



# MARANATHA

*For private Circulation Only*

Takum - 48 | Pariak - I | Chabamhiu - Kajinghiu (Jan - Apr) 2021

*Malumbo ga chap matip lulo*

To,

.....

If undelivered, please return it to LNBA (M) Head Office  
Christian Centre | Chiang | P.O. Tamei - 795125 | Tamenglong Dist. | Manipur  
Maranatha Magazine is edited by Rev. Alungbou Newmai, Owned by LNBA (M)

## *Editorial Board*

### **Editor**

*Rev. Alungbou  
Newmai*

### **Asst. Editor**

*Kadalungbou  
Newmai*

### **Secretary**


*Kendibou  
Newmai*

### **Circulation Manager**

*Rev. Ch. Hujandi*

### **Members**

*Heads of  
Departments*

For Subscription and Query  
Contact at +91 8413015033 / +91 8837435633  
Visit us on:  Liangmai Naga Baptist Association | <https://lnbam.org>

*LNBA-M Sub-Centre Church Dedication gu Photo dung*



# PALUNG GA BAMBO

MARANATHA VOL: 48 / ISSUE: 01

- |           |                                  |
|-----------|----------------------------------|
| <b>02</b> | Editorial                        |
| <b>03</b> | Jesu Khrista ringsu lanbo        |
| <b>05</b> | Tingwang gu pumtan gasu wikhaibo |
| <b>09</b> | Chakhuongh-charou Thiubo         |
| <b>12</b> | Proceedings of 48th ADA          |
| <b>17</b> | Upcoming Events                  |
| <b>18</b> | Departmental Reports             |
| <b>35</b> | Thuonkiubo Cham                  |
| <b>36</b> | Obituary                         |

## *Editorial*

### Malumbo ga chap matip lulo (I Corinthmai 16:13-14)

“Malumbo ga chap matip lulo” - Haibo ladheng se Paul niu Corinthmai gu Phumling ga bammai dungtu pagu kanambo ladheng thiujii din katiak khai bo-e. Palambo Corinthmai gu Phumling se muimakbo nahmai gu lunlung ga lungbam bo-e. Pagu ariak khuang ga rou khaimibo hina phui katin lujiu malumbo ga chap matipjiu bam ra din khai bo-e. I Corinthmai 3:1ff ga phuisai Corinthmai gu Phumling se manmabo lungchun, agibo-athoubo, palang tam-tamjiu padbo haise bam mibo-e.

Haikumjiu Corinthmai gu lunlung se aliu Liangmai Phumling gadi hamak ge. Aliu gu Phumling ga phui khaisai kiphui-kiphiu gu tam padjiu bambo di hamak ge. Political lamdi phui khai lan sai election loi mi tadi pagu-pagu party thiujii khatniu khattu nkailakbo/takaomakbo di hamak ge. Anamgu Chairmanship nai Phumling gu Pastor kamkhai nibo gasu chuncham ngam lulak bodi hamak ge. Ndiu-charam duan jeng niu di namda kakga chuncham lulak bodi hamak ge. Panah maidung niu papui-papiu lad majai makbo jengniu chakhon-chara haidi phuibambo hamak ge. Panao-pakina chuncham lakjiu bambo di hamak ge.

Chiusai aliu gu Phumling dechiujii chap matip luralo? Corinthmai gu Phumling kumjiu aleng rona kam mak ra-e. Nangniu kambo hina ga lungsabo niu mawangjiu kam ra-e. Lungsabo hai niu Christian mai ringting ga di kachangbo ngiuduan thiujii walam hina ga taten thiujii bamra ye. Aliu gu Phumling tienduan khatdi phumling gu ministry worker dung di Tingwang niu aliutu lungsabo kumjiu palingbo lungsabo ga mangiu khaijiu Rapiu tien tienbam sai Christian khat thiubo gu malumbo phichap se matipjiu lungbam sune.

# Jesu Khrista Ringsu Lanbo (I Corinthmai 15:12-23)

*Rev. Alungbou Newmai, Executive Secretary, LNBA - M*

*Shaibo gasu ringsu lanbo se aliu chamainah leng pasat kuhthubo thiubo-e*

Kashaibo gasu ringsu lanbo hai Tingwang niu chamainah tu nuan gasu rankhai rabo gu tienduan kadibo akhat-e.

Paduan thiujii Khrista niu ringsu lanbo gu Kawicham ariak khuang madai ga rao khaibo raha:

1. (a). Matthew 28:2-4 gu paduan ga phui khaisai – Tabamnai sai Nidnai nsuan kalu, Mary Magdalene nai katambo Mary siniu charaw phuira mengde. Simakdakjiu kathi katanbo wang jiu Rapiu gu maza siniu tuse kalad thon mide. Sichiujiu Jesu Khrista ringsu mide. Paliu niu pakhommaidung Peter khatdi John khu ga paokhaira pakpad mide.

(b). Mark 16:1-2 gu paduan ga phui khaisai – Nidnai nsuan kalu naimik padgapbo tingga Mary Magdalene, Jacob pui Mary khatdi Salome paliu niu Jesu pumga wasa hai manuk khaira tadbo tingga tuse kalad pad mi bam niu-e. Sichiujiu Jesu Khrista ringsu mide chiubo paliu khuga din khai de.

(c). Luke 24:1 gu paduan ga phui sai - Nidnai nsuan kalu maipuidung siniu kaden lubo parim wibo wasa thinlujiu charaw lamse tad sude. Paliu niu rawkham tuse kaladpad bamniubo ngaode. Sichiujiu Jesu Khrista ringsu mide chiubo paliu khuga din khai de.

(d). John 20:1 gu paduan ga phui khaisai - Nidnai nsuan kalu tingben masan makhaga Magdalene Mary se charaw lamse mengde, siga rawkham tuse kalad padmibose ngaode. Sichiujiu haigadi Jesu Khrista ringsu mide chiubo ngao de.

2. Jesu niu Peter tu ringsu lanbo tingmik nai adaobo (Luke 24:34; I Cor. 15:5)

3. Jesu niu ringsu lanbo tingmik chawan Emmaus puitad ga pakhommai khang nia tu adaobo (Mark 16:12). Sibowan watheng makbo lung ga pakhommai mathiunatu Thomas kajou makjiu adaobo (Lk.24:36-43; Jn. 20:19-24; cf. Mk. 16:14)

4. Nidkak khatsai pakhommai mathiu natu Thomas joujiu adaobo (Jn. 21:1-28)

5. Tiberia ajai gasu pakhommai khang chania tu adao lujiu chamai khang kai-mangiu tu adao lanbo ngao-e.

6. Kawicham ariak khuang madai len lamdi phui khai sai Jesu niu Paul tu adaobo ngao-e (I Cor. 15:8).

***Jesu Khrista ringsu mibo pachang-palingjiu silubuibo***

1. Christian maigu Phumling kengjiu bambo hai Jesu Khrista ringsu lanmibo ga mangiu khaibo-e.

2. Kasanbo Chamriat (New Testament) ariak khuang bambo se Apostles maidung niu Khrista ringsu lanbo lamga rao khaibo-e.

3. Jesu Khrista gu charaw maruang bambo se ringsu lan mibo gu len khaibo-e.

4. Paul niu Christian thiupadbo sedi Khrista ringsu lanbo gu len khaibo khat-e.

5. Christian thiupad raimaidung niu Nidkak loiwangbo ga Tabamnai (Saturday) kahom bambose Nidkak khat gu raikachangbo nai kahom lan mibosi Khrista ringsu mibo-e chiujuu lukhaibo-e.

6. Christian thiupad raimaidung niu Masanbo Maluad kambamse Khrista ringsu mibo len khaibo-e.

7. Pentecost nai Masanbo Hiupuinah wangkiujuu paliugu Khrista khommaidung tu pumtan pikhaijuu chamai kengjuu lunglipad bose Khrista ringsu lanmibo lenkhaibo-e.

Paul niu I Corinthmai 15:12-19 ga palam mangiu thiujuu Khrista ringsu maksai haichiu bam sune chiujuu len khaibo:

1. Khrista ringsu maksai, Khrista lam ga (15:13,16): Easter gu raha se arat bo-e.

2. Khrista ringsu maksai, Kawicham dinbambo (15:14a): pageng ha-e.

3. Khrista ringsu maksai, Kawicham dinpaodung (15:15): mathiuna arat kam mibo-e.

4. Khrista ringsu maksai, Khrista ga malum bammai dung (15:14a, 17, 19, 29-31):

a) Aliu gu malum haisi pageng habo-e, machun habo-e khatdi nchum mibo-e (15:14b).

b) Aliu nuan bang thiu bam kha-e (15:17).

c) Aliu hai kakimai suang pageng hamaibo mai thiu mide (15:19).

5. Khrista ringsu maksai, Khrista ga malum khailujuu shaimimai (15:18):

Paliura tingtheng jeng shaimi rabo-e, wakam-kam di ringsu lan lak mine.

15:20: Khrista se kashaimai hina gu raithubo rasy-e: Hainiu din bora Jesu Khrista niu kashaimai ruang gasu ringsu lujuu shai lan makjuu Tinggen wangmi bo-e. Siniu patu shaimai ruang gasu rai thubo rasy-e chiu bo-e. Palambo Lazarus se ringsu lanne chiudi shailan mibo-e. Siniu Jesu Khrista ringsu lanbose shai mimai hina ringsu lan rabo-e chiujuu din khaibo-e. Khrista tu malum lumai hina ringsu lanjuu tinggen tadne khatdi Khrista tu lukhai makmai niu chamizai tad ne.

15:21-22: Adam nuan niu chamipum nai hiunah kashaibo mathiuna leng phung wang-e. Sise kumjuu Khrista ringsu lan boniu mathiu naleng tingtheng karingbo Khrista niu phungwang bo-e.

15:23: Khrista ringsu lanbo hai mathiuna leng wadi manang makra pikhaibo-e. Khrista niu raithubo thiujuu ringsu mibo-e, chiujuu panu wangluan niabo wanga Patu malummai hina adaora ringsu rabo-e chiubo madulen khaibo-e.

**Jesu Khrista ringsu lanmibo gu kagengbo:**

1. V. 17 – Aliu nuan gasu kuakkhaibo: Aliu niu Kawicham majai sai aliu nuan hina kuak khaira-e (Tienkam 22:16; I Corinthmai 15:56-57).

2. VV. 16, 18 – Tingtheng karingbo pikhai-e.

3. VV. 21, 23 – Chamipum shaimi boniu tingtheng jeng shaimibo mak ge. Khrista niu paken pangam dijuu wangbo nai Patu malummai hina ringsu lan rabo-e chiubo machun kawibo pikhai-e.

4. V.14 – Aliutu Khrista ringsu lan mibo Kawicham se mathiu na khuga pouron khaira din khai-e.

# Tingwang Gu Pumtan Gasu Wikhaibo

*Anambou Newmai, Mission Co-ordinator, LNBA-M*

*Bible ga raokhai bambo Bartimaeus kubo piutu Tingwang niu wikhaimibo tu phuikhaisai aliu niu pakeng nnia thiujuu maniu suibo bamme. Raibo ga Tingwang niu aliu tуди piwikhai ngamma? Jesu Khrista niu natudi wikhai ngam ma? Nniabo ga dinlan jiu, Tingwang niu pijiu natu wikhaini ma? Paniu natu wikhaira nang masen bamma?*

Bible ga phuilo! Jesu niu Jerusalem wangbo npuilaun ga, Bartimaeus kubo piuniu Jesu wangkinne chiubo kluan chiulu jiu pakhaun tanjuu senpad jiu dinne, “Ingou khaini ye” (vs 51b) Siga Jesu niu paokak khai-e. “Nagu malum niu wikhaibo thiumilo”. (v.52) Chiubo ga Bartimaeus niu pamik ngou nong mine (Mark 10:46-52). Chiubo kumjuu tuhoi kadiri ga magen thiujuu bammai dungtu Jesu Khrista niu wikhai ngamme chiubo malumme. Phuilo, Jesu Khrista niu lep-rosy, paralyzed, shriveled hand, internal bleeding, demon-possession, etc maidung kakeng tu pijiu wikhaimibo aliu niu ngou ye.

## **Old Testament Nai New Testament Ga Tingwang Niu Wikhaibo.**

Tingwang niu dinne, “Ihai Tingwang ye, natu pijiu wikhaibopiu se ye. Ex. 15:26; khatdi Tathoilui 147:3: paniu dinbose, “Palung pangmimai tu paniu wikhai ye, paliu jamse chaphai niu donsini khai ye” Kasanbo chamriat gadi phui ye sai Jesu niu wikhai mimai tu kengjuu ngou ye.

- Tienkam 3:1-8; 4:9-10 – Paphisabo piutu wikhaimibo ngou-e.
- Tienkam 5:14-16 – Khrista gu

ladlang tadmai dung kakeng niu pijiu wimimai dung kakeng tu ngou-e.

- Tienkam 28:7-9 – Ladlangtadbo Pual nui Malta ga bam maidung kakeng tu wikhaimibo ngou-e.

- James 5:14-16 – Tingwang gu ladjeng gasu aliu niu silubo kumjuu tuhoidi maihina Tingwang khu gasu wikhailanbo tu agun jiu bamra ye.

*Tingwang sira ndadi tuhoidi wikhai ngambo piusi ye.*

Phuilo! Taiwan maipui pazan niu KoHsin kubo puitu, saisuibo AIDS raapot gasu Tingwang niu wikhai lannimbora cham. Deborah, KoHsin tu Tingwang niu wikhaibo racham: Ajan niu KoHsin chiujuu ku-e, atu Taipei kubo naam gasu mana wang-e. Inah gasu apui hai pasan sajuu tingkum 2 nphonra (lung Cancer) maraa jiu sai mide.

I niu tingkum 15 tangbo tingga, naikhat I niu Charaky (church) khat tadkin jiu tashiky gasu chaky wangra wangbo npuiky ga Tingwang tu thuanjuu nthem tara kawibo kluan khatdi chalui kawibo thiujuu bambo kluan chiuye, sijeng niu sibo Charaky ga Iniu ngut pasailam ntou lujuu luisaubao (choir) maidung niu chalui thiubambo kluanse nking ye. Sigasu I niu charaky tadsuye. I Jesu Khrista lamga wadi simak bamniu ye. Nthem-taraa kuantu I masenbo jengniu sibo raaky ga ngut jiu nthem-tara, piano thinjuu khatdi paluu dung saisu jiu Tingwang ladjeng ken alisude.



I niu tingkum 18 tingkhangbo ga I niu apui-piu khuga dinne, I Khristen thiura lengjeng niu tadui nphombo ngam kamkhai niye chiujiu dinbo ga apui nai apui atu kungjubo jengniu suinimakbo thiumak jiu I tadui nphumbo suikhai jiu I tadui nphumbo ngam kamlu ye. Chiubamdi I niu tingkum 2 UK ga ariak kati jiu bamga, I Tingwang khu gasu diujiu lungkhai lanmine. I Tingwang tu mangai jing jiu lungmine. I Christian mai ye chiubo I si-e chiudi I jou sak sude, npui-piu thiubo lun-lung ga lungkhai mide. I Tingwang tu phutlu jiu nkankhou kumjiu akhin arang thiujui lunglan mine. I niu tadmibo agu karingting tu maning kadailanbo ga maning ngam lulak ge.

Naikhat chawan Christmas party kadihbo arong khatga atudi katikmaipiu (Black Man) khatniu pasai suiujui Christmas party ga tadra ku ye. Sijeng I niu pasai suitadbo tingga uibo piuhai wakasa maningjiu atu hotel khatga majang wanglu jiu kammasa khaibi-e. Jou sak mangiu lujiu atu I niu suimakbo ga singbeng ga tun mahan lujiu matan jiu apum kammasa khaibi ye. I niu pa hotel gasu tadpad ratu khonlulak jiu pa tadpad mibo ga kalang jiu aki ga wangmine. Haikumbo maisong habo ngamkam hai aringting ga pidao khai ye. Tuhoi I niu tadmibo ringting shachang

shajiu lungkhai mibo ringting tu maning khaibo ga Tingwang niu pijiu tuhoi katang atu piring khaijiu bambo hai Tingwang tu thuongiu ju ye. Sibotingga Iniu tingkum 25 ronna bamkha ye, police dung khuga pawkhaira leng nping jiu bamniu ye, akamaidung niu dinne, nangtad lujiu University gu Doctor khu mengjiu napum phuimilo chiujiu ladi khaibi ye, sijeng niu I mengjiu phuikhai-e. I niu doctor khu ga tadjui phuimakbo sungga chapiupum tiulujiu pijiu doctor niu phui mawi jiu phuikhaira chiujiu phuibo ga wadi kasa hajiu bamniu ye. Uibo piuniu atu kammasa khailubo saiga npiumai dungtu I wadi malum ngam lak jiu bamniu-e.

Kanambo ga I niu England ga bamjiu agu degree kamloi sangjing ne chiujiu maning bamga 2006 kum ga chamai kawimai khangkhat tu adao ye. Pahai tuhoi akina thiubamme, pajan niu Daniel chiuku ye. Iniu 2008 kum ga UK gu Hotel gasu kakamaipiu chamai kawimaipiu anai magiangbo ngam hai kamlu ye, sijeng niu I Tingwang tu thuongiu jiu bamme. Simak dak gasu 2010 kum ga akhu ga api kabau mine (mentally ill) sijeng niu ambulance gasu atu phunglu jiu chapiuky ga tadle. Siga malum makjing gasu I hai HIV Positive bam mine chiujiu arapot doctor niu dinpadle. Uibo piuniu atu kammasha khaibo jengniu aringting hai sigasu pangpad mibo kumjiu pad mine. Haibo nai gasu I hai HIV Positive phungmine chiubo hai sipad jiu apum pakhiang na chapiu taliu sude. Agu lunlung hai sachang samide; doctor rammai niu dinne nang pachang jiu saisuibo ye. Sibonitkak gasu akinah di HIV Positive bamme chiujiu doctors dungniu dinpadbo ga pachun sajiu chaki kadang



gasu marung jiu kapbam mine. I kasai kumjiu naimikpui 3 chapiuky ga bamkhai-e.

I niu HIV Positive bammine chiujiu dinpadbo nai gasu I niu Tingwang khu ga malan wanglanne. I niu aji phung gasu “I hai Christian maikhatle khatdi I kakheng thiune!” chiujiu maningpadle. Sijeng niu I niu Tingwang khu kakheng thiusude pijiu atu piringkhai lanlo khatdi pijiu akina tu di piwi khailanlo chiujiu kheng nge! I niu chahiu 6 maliboky, tamiuboky banga bamkhaibo niu aringting tamiu thubo bamthiu bamniu ye chiujiu I niu chaky lam malan wanglan ne. Naikhat I niu chaky ga bambo wan ga chakhuon khat chiuye “Kohsin, akhu ga wanglanlo. Kohsin Charaky ga wanglanlo, I khuonbam me” (KoHsin come back to me. KoHsin come back to church, I am waiting for you). Sibokhuonse chiukhaibo tingga I apumleng ngamlakjing jiu bamdi sulujuu taxi minlu jiu charaky lamtad lansude. I niu charaky ga menglanbo tingga aleng kakheng thiukhaibibo, Tingwang ladkeng niu atu kachu khaibibo khatdi aka aphengmai dungniu aleng jengniu kakheng thiukhaibibo jengniu aringting hai haichiu jiu malan wanglan ne.

Atu hotel ga kammasa khaibibo nai I shaisuibo ye. I hospital wang HIV maraamine chiujiu sipad makha gasu shaimidi suibo ye, chiudi Tingwang gu lungshiat pen niu ringbo daolan lu ye! Sibotingmik gasu I hamibo maliey (Lost Sheep) kumjiu Tingwang khugasu ronmeng lujiu malan wanglan ne. I tuhoi ra Tingwang niu atu lungshabo paria chaksan lu-e. Paniu atu hamibo napui Prodigal Daughter kum jiu kumalan khai ye. I niu tadmibo karingting tu phui khaibo ga Tingwang niu atu gu khaijiu bamme chiubo I sisan lu ye!

Akhu ga HIV positive bammibo jengniu I niu pijiu ngeena lungmakra chiujiu maning jiu akina khu ga dinne. I di akina di HIV Positive bammine chiubamdi akina hai ngeena lungbamdi wadulak ge palamra anainiu chapiu UK ga phuijiu bambo jengniu chiujiu dinne. Chiudi akhu gase sikumbo se lunimakbo jengniu Iniu Taiwan lam wangjiu makum phuijiu kakheng thiune chiujiu Taiwan lam wangmine! Tingwang niu aleng Aglow mai Christian maipui dungnai tadra npui lekhai jiu npuiky ga tadjiu banga akamai dungniu aleng kakheng thiukhai jiu dinne, nagu npingbo se phutlu jiu Tingwang gu madan pikhaibo tu khuonlo chiujiu ladi khaibi ye.

Raithubo maisonghabo ngamkam khatniu agu manakak 36 tangbo tingmik ga I niu chapiu tiukhaibo ga watheng makjiu HIV rik (Virus) haise 22,000 bambo gasu zero ga wangkiu mine! Atu phuijiu bambo HIV raport ga kamsithubo doctor maidung niudi phuikhaibo ga paliusong hamine, paliu niu dinne nangniu ngeena lungni sai tuhoi wan ga lungsuibo wanne chiujiu dinne. Haise Tingwang gu madan khatle chiubo I niu silu ye. Chiuja July hiu gasu I ngeena lungra karam bamniu ye. Naikhat I niu dihbo Christian Conference UK ga tadle. Siga maipuidung kengjiu bam niu ye, siga paliu niu aleng hotel gasu kakheng thiujuu banga maipui khatniu dinne, nawan ga phungjiu bambo ngeenah se npuimai nahkhat lungra boi chiujiu dinkhai ye. Tanjiu aleng kakheng thiukhaibo jengniu Tingwang niu pijiu akhu ga ngeenah lungra npuise lekhaibi-e! I niu pawan machang achunwi jiu awan kabah jiu Tingwang khuga kakheng thiujuu Tingwang tu

thuonbo lui thiuye. Chiuja I niu Decem-ber hiu ga ngeenah phungjiu wang 11th August hiuga ngeenah lunglu-e! I niu ngeenah lungra kambo ga aleng kungchang kungjiu bamniu ye chiudi sesiniu alengra Tingwang gu lungshiat daosanlubo khat thiulu ye. Pawan wangtang jiu ngeena lungsubo ga I niu pajan leng Hannah chiujiu mathak khai ye, paramba niusai “Kungthubo”. Patu lungwangbo ga maisong habo khatniu pahai HIV negative thiujui lungwang ye. Hannah tu Tingwang niu tasibo ngam kamkhai jiu UK ga pawan thengjiu test kamwangbo ga pahai negative daojut jutjiu pagu result daobo jengniu Tingwang tu thuonjiu bamme! Jesu tu thonkiu ye!. I niu pakhu ga wanglanbo tingga wadaodi atu phutmi makge khatdi I niu teinmao jiu bamdi para wadao di teinmao mimak ge.

Apum pakhiang na HIV rapot siniu phuijiu bamdi Tingwang niu atu kankhaibi ye. Pagu lungsiat se alengra buide. Maidung niu atu ngou majomjiu mala jiu bamdi Tingwang gu nchangbo khatdi Tingwang ra pijiu atu luthuon mimak ge! Tingwang niu akhu ga bamjiu atu piwikhaibo jengniu aringting hai kalimine. Naikhat nchun I niu kakheng thiujui bamga Tingwang niu akhu dinne “tadpad jiu zat hina khuga agu jengdin thiusulo”. Tingwang niu aringting ga teinkhaimibo tu I niu zat hina khuga dinmadu jiu bamme. Sijeng niu agu kakheng niusai nangniu Tingwang ga malan wangjiu, patu malum lulo, chiuye sai Tingwang niu naringgting ga mawang jiu lunglu ne.

Tingwang niu Taiwan maipui KoHsin tu saisuibo rapot gasu piwikhai mibo kumjiu tuhoidi Tingwang tu malum lumai hina tu Tingwang niu pijiu wikhai ngam me. Phuilo papui manahkiu gasu pamiktid mibo piu Bartimaeus niu pamik ngou lanjiu pachun wijiui Jesu saisu jiu lungmibo kum jiu patu malum maihina tu piwikhaibi ne (Mark 10: 46-48). John niu dinne, “nang niu Tingwang chunning ga khengye sai Tingwang niu nakhuan se chiukhaine” (1 John 5:14). Chiubo kum nangniu Tingwang khu wang jiu patu malum bamsai, Tingwang niu natu pijiu wikhai bine.

- Tingwang khu wangjiu wikhaira malum jiu khenglulo
- Nthainai Tingwang khu wangjiu Tingwang chunning teinlulo
- Nthainai Tingwang khu wangjiu kamaowbo khengkauk jiu Tingwang ga mangiu khailulo
- Nthainai Tingwang tu malum jiu nabangrit hina pakhu ga ngiu khailulo

Chiuye sai Tingwang ra wahina ga pumtan bambo Tingwang siye. Sijeng niu nagu chariubo, thiuniubo, khenglulakbo, nchungbo, kapbo-ahuibo, charapot kasaphung jiu bambo, tingkai kasa daojiu marajiu bambo, nalung chariu jiu bambo khatdi ajam jiu bambo hina pijiu wikhailan ne.

# Chakhuongh-charou Thiubo

*Dr. Hunibou Newmai, Education Director, LNBA-M*

“Napui napiu tu chakhuong thiululo; haise ladriat nai chamtan karaibo siye, sichiwsai wahina ga naleng wirabowe khaddi kadiri ga ringtheng rabowe”.

Eph. 6: 2-3.

**H**aibo Masanbo charao tu aliu mai kakeng niu kadi gu puipiu kadin panah mainiu majaira dinbo leng ronna lukhai mimiye. Chiwdi, phui minjiu phuisai aliu kating-naa mathiu niu Tingwang chamtan hang ga khat khat tu chakhuongh-charou thiujjiu chiwbora, kating-naa palun sjiu khaddi atuu damkhai biboTingwang tu pingjiu lungsai maihina duon wjiu lung lura ladi khaibo chamme.

Haichiwjiu aliu chamainah paduih khat thiujjiu lung aruongbo ga chakhuongh-charou thiubo hah misai chamainah khat thiujjiu lung aruong bambo gu pachoi khatdi hah miboweh. Chakhuongh-charou thiubo chiwbo hai aliu chamainah majang lung nchambo gu pawat maksai parim kawibo khatle. Aleng mainiu wah kawi kamkhai bibo maksai chakhuongh thiukhaibo, tura luni kaam naye. Sijengniu, chamai kalungbo lunlung ga chakhuongh-charou chiwbo hai joumak sai zad khat thiujjiu/nam khat thiujjiu/kikhun khat thiujjiu manaai ageejiu khaddi chunchamjiu lung aruongbo ngam makboweh.

Sijeng niu, aliu Liangmai chengh

gadi chakhuongh-charou thiubo tu hai wah kakung leng lukhaijiu mathiu charuong ga khaddi kikhun ga thin lungrabo chengh-ria kawi kengjiu kati diaye. Khat niu khat tu chakhuongh thiubo hai paman thiusonbo makge maksai chariuhjiu kam ngam lakbo makge. Chiwdi haise mai kakeng niu kamni makge; plamra, maikhat tu chakhong thiukhai misai mainiu atuu maning nkhin mira kumjiu lukhaiye. Haibo lam ga Rapiw Jisu niu Matthew:20:28 ga masan siakjiu Tingwangnah Pah katangna pabensiam aliu chamainah chakhuongh thiujjiu nkhi khaibo lam ga dinkhai bamme. Siniu, asuong katingmai tu ronna makjiu asaai riumai, anaamai khat tu chakhuongh thiukhaibo hai Tingwang gu thoidam kawibo khatle chiwbo masanjiu siluwe. Tuhoira, apou ape kien karingbo Tingwang tu paliu Rapiw thiujjiu kahumjiu lunglu makmai dung di Chakhuongh-charou thiubo tu nde kumjiu lukhaijiu lungbam niwlo chiwbo makum machamkhe.

## **Chakhuongh-charou:**

1. Liangmai chengh ga naamai niu katingmai mun kakjiu tacham chalad

faabo suimakge. Asuong katingmai niu tacham faasu misai majidi nkhuidi maliyu mak nkingrai raye. Kating maidi mathiu charuong ga tacham faabo wan ga faajuong faa makra champjiu bam niw-e.

2. Maikhat niudi tathiu-chari wan ga papou zan thenbo makjiu pasuong katingmai zan kuhjiu maksai dinjiu chalad npaobo suimakge. Katingmai khat tu kuh kajibo zanku chiwbora, 'Apou, Ape, Apoi/Apua/ Apio/Apiia, Achi/Achio/Achia, Anay, Apuinaabo, Apiunaabo, Apuitingna, Apiutingna,' chiu kuhjiu npao suraiye. Katingmai di naamai tu kuhbo wan ga, 'Awangpiw/pio/na, Awangpui/poi, chiu kuhjiu chalad npao kin niw-e. Riliwmai/ maipuimai dungdi 'zanpaa' maksai 'panaaih' zan (Kiumai naaih/Kienwi naaih) kuhjiu khat khat tu chakhuong thiujju lungbam niw-e.

3. Liangmai chengh gara pasuong katingmai khat niu mathiu charuong ga maksai khangchiuh liwchiuh ga maksai kikhun ga tad wangbo wan ga chabam maruongbo kengjiu bamtah di naamai hina chapkhang chabam kakhin pachengh-nge chiu din bam niw-e.

4. Kikhun ga bidi, mathiu charuong ga bidi katingmai niu machanrai makjiu pachun thiumibo naamai khat niu di katiuh-kasak tiuhrai makge.

5. Kasuon kasha maitu tad adaobo wan ga paliu bangh jukha, phungkha makjiu tad majumi pachengh makge chiu din bam niw-e.

6. Chakhah chagah mye kiujiu maipui mainah tu thaodao misai paliu leng Ai niu phung kinbo chakhah chagah kasiara paliu bang ga thon khaidia pachengh-nge.

7. Tasiyam siam kasi mainiu kamyih-magian khaddi papyuhmai kahahbo puileng nte, nmui, takem, diwpung, tariangk khaddi langruike mathah talyiu khaijiu paliu chun kam mawi khaijiu papuipapiu maksai papyuhmai ring-nbaansat kabam mai suongdi pagu manyia kengjiu thinbam niw-e.

### **Chalyiu raw thinbo:**

Liangmai kating kien gara kiluong ga npui kafaa talyiura, duikhun talyiura khat khat tu matajiu lungbam niw makge. Chabuonmai papum katan mai niu paliu puu thiujju maksai chalyiuhraw thinjiu pawan kadaobo phuilu nkhi machahjiu maipui mainah wah ka-manang hahjiu lungbam niw-e. Khangchiuh aliatjiu Namgu chakhuot karengk katinjiu lunge. Chaky-chalu thiu makjiu jeng 2/3 kiluong ga mathak khang misai 'kiluong ruieng' chiu kuhwe sibo rambaa sera tatien thiu makehjiu kiluong ga ruan kinbo maruireng kumme chiwbowe. Sichiwiujiu, 'kiluong ruieng' dung chiu kuhmai niudi mai chaluh lam tatkam mibo wan ga kiluong ga bamlu pahniu kam kasuibo namtien kamjiu lungbam niw-e.

Chaky chaluh maranhmai dung niu di palu atiat mawi lujiu nam ga miukengh thiulusai miukengh bui pipadjiu panam panah mathiu tu katiuh keejju panam

panah pien gasu pah niu tasiuh keng lubowe chiwjiu chakhuongh thiukhaiye. Sikumjiu, panam panaa mai niudi takum wan wangbo ga paliu chun wiji patu chakhuongh thiubo thiujiu sinapiw luh mathiu naih khat mengk changam kam nkah khailan taanne. Sichiwjiu, Liangmai chengh ga malyi khat niu khat tu chakhuongh thiubo ronna makjiu malyi khat niu nampuinah tu chakhuongh thiubo khaddi panam panah mai niudi patu chakhuongh malan khaibo khaibo hai bamtaan tanhne.

### **Tuhoi kien gu chakhuong-charou:**

Tuhoi aliu niu malum kinbo Khristen chengh hai aliu poupe chengh suongdi chakhuong charou lam ga matip diangboweh. Chiwdi dekamjiu aliu mai kakeng niu tuhoi kien ga chakhuongh-charou hahmi jiulo chiwbo lam ga phui minjiu phuibo ga tuhoi kien gu tasi (*education*) hai aliu malyi gu majih (*Individual Rights*) lam ga ronna tu maning makung sangk; malyi khat niu tenrabo tienduon (*Individual Duties & Responsibility*) lam gara makumlu tenra rangkson makbo gasu ‘Chakhuongh-charou’ thiubo hai hah mibo leng lukhaiye. Dincham paanbo ga, tuhoi kien ga naamai khat niu pagu luni papui papui niu tenkhai ngam makbo wan ga “patu nkikhai ngam laksai nde kamjiu patu maniw makjiu kadi ga patu pilungwang jiulo?” chiwjiu papui papui tu makutjiu din ngammai bamme. Haikumbo, lunlung hai malyi gu majih ronna phuilu mathiu charuong ga maksai kikhun ga malyi akhat gu tienduon ndelo chiwbo makum

suonmak mai kengbibi padbo gasu khaddi maitu chakhuong-charou thiusimai riga charah chamai gu Thoidam bamme chiwbo silu makbo gasu kikhun ga bidi charuong ga bidi chakhuongh-charou hai hahbibi miboweh.

Siniu, Chakhuong-charou hah mibo maksai kating-naa palun sitah mibo zad ga chamai-charah gu Thoidam di daolakge chiwbo aliu mathiu simasanra pageng bamme. Sigasu, nde chiwbo jai ga malyi gu majih (*Individual rights*) thin npiu ralo khaddi ndechiw ‘Individual duties & responsibility’ siji tenralo chiwbo haise simasan lumaksai Kikhun ga ronna makjiu Nam nai Zad gadi agee manaaijiu lung ncham silu lakge. Siniu, malyi gu majih (*Individual rights*) nai mathiu-charuong gu majih (*Social/Public rights*) si npekle malyi leng nchumbi tahdi mathiu-charuong leng pageng bamdiang misai malyi niu chakhuongh thiujiu kasut khaimi maksai malyi karai kak gadi haichiwjiu khat khat tu chakhuongh-charou bamjiu lung ncham dasai plam hina ga wisu disujiu chunwiji khaddi Tingwang gu Thoidam daojiu lunglu buiye.

# Proceedings Of The 48<sup>th</sup> Annual Delegates Assembly, LNBA-M

Held On 27th Jan. 2021. At LNBA-M Centre Church, Namraining.

Meeting Present Members: 97

Time 07:10 Am Onwards

---

**M**eeting sura leng Rev. Maishuongamang Abonmai, President LNBA-M niu Phil. 2:14 -15 ladbam ken padlu kadunbo cham dinkhai jiu mathiu kakheng thiulu kanambo rathoi President niu lukhai jiu meeting lepat khaide.

Agenda gu ladbam dung makhiam thiusu makhaga Rev. Alungbou Newmai, Executive Secretary niu wangbam mai delegates mathiu tu chunwiji adou khai ye. LNBA(M) gu Phumling dung niu Association gu ngam ga co-operation pikhai bambo khatdi Association gu Ministry tu support thiukhai jiu bambo jeng niu wadi manangbo haji changam hai wisan khangbo thiulu sune katiubo Executive Secretary niu poupat khai ye.

## **Action No. 1.1 Adoption of Agenda.**

Agenda leng Head Office lamsu taliu wangbo si wide chiujiu lukhaide. Chiudi house niu masen jiu agenda leng Constitution Amendment pageng bambo ga phui katin raleng makhiam raleng chapkhai de.

## **Action No. 2.1. Action review of 47th ADA.**

### ***2.1.1 Report of LNBA-M Self Sustainable Committee:***

Haibo lam ga leadership kaliwang jiu (i.e., Executive secy.) kasia kamwang tanglu mak mide, chiudi aliu leng pageng bambo kumjiu next ADA gara moumak jiu Committee mai arong lujiu makhiam thiujiiu report pikhai raleng malum khai lande.

### ***2.1.2 Reports of Search Committee for LNBA-M Executive Members.***

Search Committee gu Secretary Pastor Chamjailakbou Abonmai niu Executive Council Members chamai khang chakui (9) tu committee gu ladbam thiujiiu phungwang khai ye, siga Women President, R. Kendiliu, tu di Executive Council Member leng by post gu condition ganiu house ga phungwang khaide. Search Committee niu phungwangbo mai dung tu house niu wide chiujiu lukhaide. Paliu gu term niu 2021 – 2023.

(1) Women President -By Post (2) Ab. Mathiudinbou, (3) Pastor Tajinbou Parinmai, (4) Pastor Ch. Ngamlung, (5) Pastor Wichamdinbou Pamai, (6) Pastor TR. Maraikambou, (7) Pastor Ch. Malumbou, (8) Ngounibou Daimai, (9) Rev. Masenwangbou Abonmai.

Mathak mibo Executive Council Members dung:

(1) Pastor Ab. Kasiliang, (2) Rev. Z. Maithin, (3) Rev. H. Kabonang, (4) Pastor W. Solomon, (5) Pastor Kaisingamang Newmai, (6) Pastor Ch. Pouken

### **Action No. 3.1 Approval of the 54th Executive Council Resolutions.**

Executive Council gu chamsui 1 -11 house ga ken madu khaibo ga mathiu niu wide chiujiu approved thiukhai de.

### **Action No. 4.1 Departmental Reports, Annual Meeting Resolutions with Budgets 2021.**

#### **4.1.1 General:**

General Department gu Annual reports, Consolidated Financial Report, Audited statement khatdi Budget 2021 house ga phung ngut lujiu makhiam boga house niu wide chiujiu lukhaji budget haidi approved thiu khaide.

#### **4.1.2 Education Department:**

Education Department gu Annual Reports, Annual Meeting Resolutions with Budgets 2021 se Education Director niu paliu gu resolutions, report khatdi Budget 2021 gu madu khaibo ga mathiu niu wide jiu approved thiukhaide. Chiudi Education Director gu term lamga makhiam katin khailan jiu wanglanbo Constitution Amendment kambo gasu academic age appointment lam makhiam katin khailanra chap khaide.

#### **4.1.3 Liangmai Baptist Mission:**

Mission Secretary niu paliu gu Annual report, Annual Meeting resolutions khatdi budgets 2021 gu pikhaibo ga mathiu niu wide chiujiu lukhaide. Palam kasia din katin khaibo niu, Mission ngam ga workers inkiu khangjiu bambo kum mission gadi pasi kengjiu masibo thiulura matansan khaira house niu dinkatin khai ye. Project Workers gu salaries di regular thiu mawi khaira leng Local Church khatdi sponsoring body niu pageng bambo tasen-chalan hai pawan ga manang mawi khaira dinkatin khaide.

#### **4.1.4 Women Department:**

Women Secretary niu palii gu Annual Reports, Annual Meeting Resolutions with Budgets 2021 hai kenmadu khaibo ga mathiu niu wide chiujiu lukhaide. Chiudi Women Department niu theological grant pikhai ra chapkhai bambo hai screening kam mawilu jiu tadkiu ra din katin khai lanne.

#### **4.1.5 Youth Department & LTU:**

Youth Secretary niu palii gu Annual Reports, Annual Meeting Resolutions with Budgets 2021 hai wangmai mathiu khu ga kenmadu khaijiu mathiuniu wide chiujiu lukhaide. Chiudi societies 36 hai palii gu due list ga ngoubo si house niu chalung niubibo madu khai ye. Sigasu concern Pastor niu haise parit lujiu due hina kalangbo lung ga clear kam mira dinkatin khaijiu chapkhai de.

#### **4.1.6 Men Department:**

Men Secretary niu palii gu Annual Reports, Annual Meeting Resolutions with Budgets 2021 hai house ga ken madu khaibo ga mathiu niu wide chiujiu lukhaide.

#### **4.1.7 Development Department:**

Development Director in charge Executive Secretary niu Annual Reports, Annual Meeting Resolutions with Budgets 2021 hai house ga ken madu khaibo ga mathiu niu wide chiujiu lukhaide.

#### **4.1.8 LNBA-M Centre Church, Namraining:**

Pastor niu Annual Reports, Annual Meeting Resolutions with Budgets 2021 hai mathiu khu ga kenmadu khaibo ga mathiu niu wide chiujiu lukhaide.

### **Action No. 5.1 Spot Enquiry reports from ordination & Licensing Committee.**

**5.1.1 Pastor Silubou Abonmai for Ordination:** Pastor Kawisilubou Abonmai tu ordination pikhaira spot enquiry team Rev. Kabonnang Marenmai niu report pikhaibo ga approved thiukhai de.

**5.1.2 Mr. Wisingdonnang ID for Ordination:** Mr. ID. Wisingdonnang tu ordination pikhaira spot enquiry team Rev. Ab. Tadounbou, Pastor niu report pikhaibo ga approved thiukhai de. Chiudi pasai kanara karaobo (in written) joujiu report pikhaira dinkatin khai ye.



**5.1.3 Solomon Malangmai for Ordination:** Solomon Malangmai tu ordination pikhaira spot enquiry team Rev. Manaitaibou Charennamai, Pastor niu report pikhaibo ga approved thiukhai de. Chiudi pasai kanara karaobo (in written) joujiu report pikhaira dinkatin khai ye.

**5.1.4 Pastor Kubuibou for Licensure:** Pastor Kubuibou Pamai tu Pastoral Licensure pikhaira spot enquiry team Rev. Ch. Hujandibou niu report pikhaibo ga approved thiukhai de.

**5.1.5 Pastor Mathiudinbou Abonmai for Licensure:** Mathiudinbou Abonmai tu Pastoral Licensure pikhaira spot enquiry team Pastor Kasiliang Abonmai niu report pikhaibo ga approved thiukhai de. Spot Enquiry reports pikhaibo ga wiji lukhai mibo kumjiu pariga lukhai maihina LNBA-M Head Office tu alam lujiu program taliu lujiu program takiu mira chapkhai de.

### **Action No. 6.1 Formation of Nomination Committee**

Pahang ga kada khaimibo Search Committee nia siniu Executive Secretary, LNBA-M nai LNBA-M Pastors dungtu alam lujiu pageng kabambo makhiam thiu lujiu tadkiulo chiujiu chamsui khaide.

#### **6.1.1 LNBA-M Mission Secretary:**

- i. Rev. Tanliabou Kalengta, Pastor Rianglong BC Convener
- ii. Pastor Ch. Pouken, Taphou Liangmai BC Member
- iii. Pastor Dm. Mairitou, Pastor Chawangkingin BC Member
- iv. Ab. Mathiudinbou, Pastor LBCI Member
- v. Ngounibou Daimai, Pastor Thalou BC Member

#### **6.1.2 LNBA-M President:**

- i. Pastor Kasiliang Abonmai, LNBA-M Sub-CCN - Convener
- ii. R. Dikhampibou, Pastor Liangchi BC - Member
- iii. Pastor Tanthubou, Kuilong I BC - Member
- iv. Pastor Kasingamang, Phelong BC - Member
- v. Rev. Dr. Absalom, Pastor Makuilongdi BC - Member

### **Action No. 7.1 Entity names for Pastors under LNBA-M (Ref: CS – 12/10/2020 A3 & A8):**

LNBA-M gu Ministry uniformity bam raleng jengniu full-fledged church thiu kammira, sigasu entity hai Assistant Pastor, Pastor chiujiu kura khatdi Pastor ganiu mathak misai Retired Pastor chiujiu thinpiu nchamra chiujiu chap khaide.

**Action No. 8.1 Report of Pastors' Council:**

Pastors' Council gu Secretary, Mathiudinbou Abonmai, niu verbal thiujji Covid-19 niu 2020 ga changam tadkiu lumakbo dinmadu khai ye . Chiudi 2021 gara changam hai tad kiu mawi jiu tadkiu milo chiujiu dinkatin khai-e.

**Action No. 9.1 LNBA-M Departmental Statistics & Funds:**

LNBA-M hang ga bambo churches khatdi societies hina pagu gu churches statistic, societies gu statistic hai up-to-date gu report pimawi khaira din katin khai ye khatdi funds hina pimawi khaira chap katin khailande. Sichiu jiu masuang pibam kumjiu 12% hai transparency bamjiu church hina pikam khaira chap khaide.

**Action No. 10.1 Local Church Constitution:**

Aliu LNBA (M) hang ga bambo Churches hina LNBA (M) gu constitution haitu thin matip jiu mathiu Uniformity bamjiu aliu gu ministry tad ncham bamra chamsui khaide. Inkiujiu Local Church dung niu pagu-pagu constitution taliu makjiu mathiu leng taliu khai bambo ga khat thiujji tadkiu bam raleng chap khaide.

**Action No. 11.1 Miscellaneous**

**11.1.1 Development Department Board Chairman:** Development Department gu Board Chairman leng wangmai mathiu niu masenjiu Pastor Silubou Abonmai tu kada khaide. Pagu tenure niu sai 2021-2023 AD.

**11.1.2 Liangmai Baptist Church, Noney:** Liangmai Baptist Church, Noney hai kasanbo phumling donsua khaibo nai npamjiu church building thiu raleng chariu bambo jeng niu LNBA (M) hang ga bambo churches hina pahniu-pahniu kangambo tasen-chalan nkha khai khe jiu house niu sui khaide. Rangkang hai aliu gu Association gu head office ga piwang khai raleng chap khaide.

**Thonkiubo Cham:**

Luan 48th Annual Delegates Assembly, 2020 LNBA (M) madui hai LNBA (M) Centre Church, Tamei niu chagiang thiu mawi khaibo jeng niu thonkiubo cham madu khai-e. Madui ga chamai di wangmawi wangkhaibo ronna makjiu madui lungga Agendas hina kaphen kiu boga co-operation pikhai jiu wahinasi madio jiu kaphen lubo jengniu mathiu tu thonkiu bo cham madu khai ye. Madui wijju tadkiu lubo jeng niu Tingwang tu thonkiubo rathoi mathiu paokhai ncham lubo sai kanambo ga LNBA (M) President, Rev. Maishuongamang Abonmai niu kasanbo Executive Members tudi installation prayer lukhai tajut jiu kanambo rathoidi lukhaide.



Seasonal Chairman  
(REV. AB. MAISONGAMANG)  
President, LNBA (M)



Executive Secretary  
(REV. ALUNGBOU NEWMAI)



(REV. CH. LUBUI)  
Vice President,



(Rev. K. TANLIABOU)  
Recording Secretary.



Joint Recording Secretary  
(PASTOR M. LIANGPIBOU)  
Mission Co-ordinator, LNBA-M



Technical Assistant  
(ANAMBOU NEWMAI)

## UPCOMING EVENTS (May-June 2021)

- |                  |   |
|------------------|---|
| 09 May           | - Mother's Day                                    |
| 14 May - 13 June | - Leadership Training at ICLD Centre              |
| 22-23 May        | - Liangmai Theological Conference at Chiang B/Ch. |
| 29-30 May        | - VBS Teacher's Orientation at Gaililong B/Ch.    |
| 30 May           | - Pentecost Sunday                                |
| 6 June           | - Green Sunday                                    |
| 7 June           | - Online Prayer Meeting of LBM                    |
| 16 June          | - Women Exe. Half Yearly Meeting at ICLD Centre   |
| 20 June          | - Father's Day                                    |
| 25 June          | - Youth Exe. Half Yearly Meeting at ICLD Centre   |

## Youth Department

### **Evangelist Langpat khailubo**

LNBA-M Youth Department Annual Meeting 2020 ga Evangelist khat 2021 ga langpat raleng chapkhai mibo kumjiu Mn. Biju Deberma tu LNBA-M Youth Department niu Liangmai Baptist Mission, LNBA-M hang ga Evangelist thiuraleng 7th February, 2021 bonai niu installation kamkhai lujiu changam kam sujiu bam mide. Pahai Tripura gasu-e khatdi pagu Mission field niu sai Siliguri, West Bengal ga kamjiu bamme. Mathiu pagu ministry leng khatdi pakykhun leng kakheng thiukhai jiu bamkhe.

### ***Area Wise Youth Music Camp At Maguilong Baptist Church***

Jengtung 19-21 March, 2021 ga Area Wise Youth Music Camp hai Maguilong Baptist Church ga wijiutadkiu khailu-e. Haibo Camp ga local youth society kariukhat (11) khatdi delegates thiujju chamai riak chinnia charok wangjiu padam lukhai-e. Campers thiujju pakhiangna kaikhat atai magiu (145) kumbo camp ga joukhai-e. Ndeng khai bibo Maguilong Baptist Church khatdi Youth society maitu chunwibo nai thuankiubo madu khai-e. Phumling khatdi youth society gu ministry riga Tingwang niu thoidam kenjiu pisan khaiibo thiumilo. Haibo Camp ga wangjiu padam lukhai mai mathiu riga Tingwang gu thoidam kengjiu daosan lubo thiulo!

Katikhaipao khatdi Kawicham dinpao dung nai paliu gu Kati-lapbam hai pahang ga lien khai ye.

- i) Deelonang Dichongta,  
UBC (L) Tamenglong  
“Tonic Solfa”
- ii) Dm. Tajinang,  
Youth President LNBA-M  
“Praise & Worship and Vocal”
- iii) Kadalungbou Newmai,  
Youth Secretary, LNBA-M

*Camp Director:*

Hupanbou Pamai, Youth Exe., LNBA-M

*Prog. Co-ordinator:*

Paramthonwibou, Youth Exe, LNBA-M

*Devotion Leader:*

Pastor, Maguilong Baptist Church

### ***Area Wise Youth Music Camp At Upper Phelong Baptist Church***

Tingwang niu lungsa khaijiu Jengtung 29-31 March, 2021 ga Area Wise Youth Music Camp hai Upper Phelong Baptist Church, LNBA-M ga wijiutadkiu khailu-e. HaiboCamp leng nkeng lamsu chamai riak chinnia madai (74) khatdi youth society kariu khat (11) wangjiu padam lukhai-e. Ndeng khai bibo Upper Phelong Baptist Church, local youth society, katikhaimai khatdi camp ga wangjiu padam lukhai mai mathiu riga Tingwang niu thoisan khaiibo thiulo.

Katikhaipao khatdi Kawicham dinpao dung nai paliu gu Kati-lapbam hai pahang ga lien khai ye.

- i) Z. Sironbou, Lecturer, Manipur Theological College, (MTC)  
“Biblical View on Music”
- ii) Gaironthui Pamai, Choir Conductor, Chiang Baptist Church  
“Tonic Solfa”
- iii) Kadalungbou Newmai, Youth Secretary, LNBA-M

Camp Director: Wilukambou Newmai, Youth V/President, LNBA-M

Devotion Leader: Reuben Newmai, Upper Phelong Baptist Church

Program Co-ordinator: Kh. Ishmael, Youth Deacon, Upper Phelong Baptist Church



Upper Phelong Baptist Church ga tadkiu mibo Youth Music Camp ga wankhai maidung



Shingra Baptist Church ga tadkiu mibo Youth Bible Camp ga wankhai maidung

### ***Area Wise Spring Camp At Shingra Baptist Church***

Tingwang niu lungsa khaijiu Jengtung 16-18 April, 2021 ga Area Wise Spring Camp hai Shingra phumling ga wiju tadkiu khai de. Wanjang ga bambo phumling dung ganiu chamai khang 23 wang khaijiu local phumlingmai tu chak tamann khaijiu chami khang 65 camper thiujui bam khai ye. Shingra phumlingmai niu paliu ben dih jiu haibo Bible camp hai ndeng khai bi jiu, khatdi matha ganiu katiu-kasak haidi macha mawi macha khai bi jiu Office lamniu thuongkiubo hai madu khai ye.

Haibo Spring Camp ga Katikhaipao khatdi Kawicham dinpao dung nai paliu gu Kati-lapbam hai pahang ga lien khai ye.

- i) Wangraibou Ngonamai, Director, Lungsiat Ministry  
“Understanding Relationship from God’s View Point”
- ii) Anambou Newmai, Mission Co-ordinator, LNBA-M  
“Youth in Contemporary Culture”

iii) Kadalungbou Newmai, Youth Secretary, LNBA-M  
 “Christian Etiquette”

Camp Director: Silas Moita, J/S. Youth Dept. & Wilamlungliu Thiumai, TBC, Tamei

Devotion Leader: Local Pastor

Program Co-ordinator: Mathiukhonbou, Exe. Member Youth Dept. LNBA-M

## Youth Vehicle Project Donors List

1. Oklong Youth Society	-Rk.5000/	34. Nheng Baptist Church	-Rk. 2000/
2. UBC (L) Tml. Youth Society	-Rk.10,000/	35. LNBA-M CCT, Youth Society	-Rk. 3000/
3. Phelong Baptist Church	-Rk.2000/	36. Ndai Youth Society	-Rk. 1500/
4. Shingra Baptist Church	-Rk.2000/	37. Ndai Baptist Church	-Rk. 2000/
5. Niamning Baptist Church	-Rk.5000/	38. Silas Moita	-Rk.1000/
6. LCF, Delhi	-Rk.10000/	39. TBC, Tamei Youth Society	-Rk. 2000/
7. Konphung Baptist Church	-Rk.5000/	40. Ariang Baptist Church	-Rk. 5000/
8. LNBA-MCCT	-Rk.10000/	41. Thalon Baptist Church	-Rk. 5000/
9. Mrs. Reese SDO Tamei	-Rk.30000/	42. Haisungteu	-Rk. 2000/
10. Riangleong Baptist Church	-Rk.10000/	43. Somraibou Daimai	-Rk. 1000/
11. UBC (L), Tml	-Rk. 10,000/	44. Namthiurai Daimai	-Rk. 5000/
12. Phenliangbou Abonmai	-Rk. 5000/	45. Gaililong Youth Society	-Rk. 2000/
13. Lakoulang	-Rk. 5000/	46. Dinkhaibou	-Rk. 500/
14. Dr. Nathanael Daimai	-Rk. 5000/	47. Dm. Wanjengdin	-Rk. 10000/
15. Tawibou Abonmai	-Rk. 3000/	48. Lungkimliu	-Rk. 500/
16. Hanah	-Rk. 1000/	49. Sam Abonmai	-Rk. 3000/
17. Jianngamliu	-Rk. 5000/-	50. Bena Nguang Youth Society	-Rk.1000/
18. Meidinbui Dichongta	-Rk. 20000/	51. Rienta-II Youth Society	-Rk. 1000/
19. Taningjam Baptist Church	-Rk. 4000/	52. Kadi-IV Youth Society	-Rs 1500/
20. Niamning Youth Society	-Rk. 1000/	53. Kadi-I Youth Society	-Rk. 2000/
21. Taningjam Youth Society	-Rk. 500/	54. Rienta-I Youth Society	-Rk. 1500/
22. Upper Phelong Baptist Church	-Rk. 2000/	55. Malek Youth Society	-Rk. 1000/
23. Namtiram Baptist Church	-Rk. 4000/	56. Thalon Youth Society	-Rk. 3000/
24. Shingra Youth Society	-Rk. 2000/	57. Maihilak Daimai	-Rk. 1000/
25. Diphubou Newmai	-Rk. 100000/	58. Nampibou Marenmai	-Rk. 5000/
26. NK. Tadoubou	-Rk. 3000/	59. Kadi-I Baptist Church	-Rk. 1500/
27. Asenbou Newmai	-Rk. 1000/	60. Diphiuliu	-Rk. 1000/
28. Taphou Liangmai Youth Society	-Rk. 10000/	61. Luangdi Baptist Church	-Rk. 3000/
29. Chiang Baptist Church	-Rk. 5000/	62. Kadi-II Youth Society	-Rk. 1000/
30. Chiang Youth Society	-Rk. 2000/	63. Shingkhieuram Youth Society	-Rk. 500/
31. Oklong Baptist Church	-Rk. 10000/	64. Kawangthiuliu	-Rk. 1000/
32. Makuilongdi Baptist Church	-Rk. 5000/	65. Thuanggambou	-Rk. 1000/
33. Shri Mani Charenamai	-Rk. 5000/	66. Piuluang Baptist Church	-Rk. 1000/

## Liangmai Baptist Mission

Tingwang gu lungsiat penniu Liangmai Baptist Mission niu thaikum (2021) January gasu March katangbo lung ga changam kamkhai mibo pahang ga lenkhai-e.



Gayshing, Sikkim ga Evangelical Baptist Church members maidung.

1. Liangmai Baptist Mission niu organized thiu Zoom conference hai Jengtung 16th February 2021 bonai wiju tadkiu khai mine. Siga LBM gu Missionaries khatdi Evangelists maidung paliu gu report khatdi paliuniu teinsan lanrabo khatdi paliu Mission Field lamga paokhai jiu pageng kabambo di makhiam thiukhai jiu pasai wanglan rabo ngamleng di tein mawi sanbo khat thiu jiu tein khailu-e.

2. Thaikum gu Ladpui “*Reaching the Unreached*” hang ganiu Area wise Mission Consultation Programs hai wiju paluan madai thiujju tadkiu khai lude. Tingwang niu Phumlingmai dung tu npou khaijju Rapiu ngam leng jeng niu paliu gu kangambo nkha khaira khatdi kakheng thiu khai sanju bamra commit thiu khaibo kengjiu doulu-e pasin-parin thiujju Pahang ga Mission Consultation tadkiu khai mibo gu rou khai ye.

***Area Wise Mission Consultation at Taningjam Baptist Church,***  
Jengtung 6th – 7th February, 2021

Speaker & Resource Persons:

- i. Rev. M. Digombou, Mission Secy., LNBA-M “Missionary Church”
- ii. Kadalungbou Newmai, Youth Secy., LNBA-M “Effective Mission Sponsor Church & Mission Funding”
- iii. N. Anambou, Mission Co-ord., LNBA-M “Missionary Care & Re-visit LBM Mission Fields”

Artiste: Miss. Ch. Akheliu, Evangelist MBC

Bible Study: Mr. Thontalak, Asst. Pastor Niamning B/Ch.

Program Co-Ordinator: TR. Maraikambou, Pastor, Upper Phelong B/Ch.

Haibo consultation ga chamai 200 pasan jiu wangjou khaibibo jeng thonkiu jiu bamme. Khatdi Taningjam Baptist Church, LNBA-M tadi dijiu thonkiu jiu bamme. Palamra Mission Consultation gu program ga wangmai hina tu katiu-kasak mathiu jiu pikhai bibo jengniu thonkiu jiu bamme.

***Area Wise Mission Consultation at Machengluang Baptist Church***

Jengtung 27th – 28th February, 2021

Speaker & Resource Persons:

- i. Rev. M. Digombou, Mission Secy., LNBA- M “Missionary Church”
- ii. Rev. M. Kaidombou, Pastor LNBA-M, CCT. “Effective Mission Sponsor Church & Mission Funding”
- iii. N. Anambou, Mission Co-ord., LNBA-M “Missionary Care & Re-visit LBM Mission Fields”

Artiste: Miss. Ch. Akheliu, Piulong Baptist Church

Bible Study: Mr. Dm. Ngounibou, Pastor Thalon Baptist Church

Program Co-Ordinator: Pastor Wichamdinbou, Piulong Baptist Church

Aram Machengluang Baptist Church, LNBA-M tadi thonkiujiu bamme. Aliu Mission department gu program ndeng khaibi siron namak jiu wangmai mathiu lenggeng niu katiu-kasak di pikhai bibo jengniu thonkiu jiu bamme.

***Area Wise Mission Consultation hai Chawangking Baptist Church***

Jengtung 13th – 14th March, 2021

Speaker & Resource Persons:

- i. Rev. M. Digombou, Mission Secy., LNBA-M “Team Work Mission”
- ii. Rev. Dr. Absalom, Pastor Makuilongdi BC. “The foundation and the purposes of the local Church”
- iii. Pastor Liangpibou, Bena Nguang BC. “Effective Mission Sponsor Church & Mission Funding”
- iv. N. Anambou, Mission Co-ord., LNBA-M “Missionary Care & Re-visit LBM Mission Fields”



Artiste: Miss. Ch. Akheliu, Evangelist MBC

Bible Study: Pastor Pouken, Taphou Liangmai Baptist Church,

Program Co-Ordinator: Phengamang Abonmai, Asst. Pastor, Ariang B/Ch.

Chawangking Baptist Church, LNBA-M tudi thonkiu jiu bamme. Mission program ndeng khaibibo ronna makjiu pageng bamboo wahina manang khaijiu taliu akhi mawi khaibi bojeng niu thonkiu jiu bamme.

***Area Wise Mission Consultation hai Tedlong Baptist Church***

Jengtung 20-21 March,2021

Speaker & Resource Persons:

- i. Ng. Wangraibou, Founder Lungsiat Ministry, Bena Tababang  
“Mission Begins at Home”
- ii. Dm. Namthiunibou, Asst. Pastor, LNBA-M CCT  
“Effective Mission Sponsor Church & Mission Funding”
- iii. Ms. Pouninglungliu, Missionary at Japan “Culture Shock”

Artiste: Miss. Ch. Akheliu, Evangelist MBC

Program Co-Ordinator: Disuraibou Thiumai, Pastor Singkhiuram B/Ch.

Tedlong Baptist Church, LNBA-M tudi dijiu thonkiu jiu bamme. Mission department gu program ndeng khaibibo ronna mak jiu wahina taliu akhimawi khaibibo jengniu thonkiu-e.

Pariga lienkhai jiu bambo hina se naliu gu kakheng nai nkhhakhai bibojeng niu program hina se wijiui tadkiu jiu bamme. Pasai wanglan rabo ngam hina lengdi Tingwang ga kakheng thiujui bamra khengkhai-e.



Siliguri mission field ga Evangelist dung khatdi ES nai Mission Secy.

**Tingwang gu lupuk ga changam kamjiu bambo ga pageng bambo nthin mania, rangkang khatdi khourui-khouring pikhaijiu bammai dung tu pahang ga lienkhai-e.**

a) Chiang Baptist Church gu jengdiu mibo member, (L) P. Dinriliang gu panahmai dung npiumai kengjiu lunglubo chunwibo thiujiu Tingwang tu thonkiubo nai npamjiu LBM gu Ministry ngam leng matom pipad khaijiu bamme. Panamai dung; 1. (L) P. Maikenpingbou, 2. P. Maijinpingsbou, 3. Rev. P. Mainganlungbou, 4. P. Kaironthuibou, 5. P. Hutombou, upper Dikiuram, 6. Pastor P. Charikhangbuibou, (Ramtinglong Baptist Church), 7. P. Chalunriangbou paliu npiumai chamai kengjiu lunglubo gu paliu chunwi jiu Matom (cow) Tingwang gu lupuk ga thinpiu khaira lengjeng niu pipad khai jiu 2016 ga Rs. 60,000/- (sangria charuk) pikhai biye. Khatdi thaikum 2021 gadi Rs. 25000/- (sangmakai mangiu) Mission lengjeng niu pikhai lanjiu bambo jengniu thonkiu jiu bamme. Kykhunmai riga Tingwang niu thoidam pikhai sanbo thiulo.

b) Chiang Baptist Church gu member, Lp. Namthonliu niudi LBM lengjeng niu Liangphai khat pikhai jiu bamme. Tingwang ngam ga tatein thiusan khaira pageng bambo mania nkha khaijiu bambo jengniu thon kiujiu bamme.

c) Chiang Baptist Church gu member, Lp. P. Namchongliu niudi LBM lengjeng niu Liangphai khat pikhai-e. Sijeng niu pakikhun tudi thonkiu jiu bamme.

d. Chiang Baptist Church gu chawkidar thiujiu bambo M. Moris niudi Mission lengjeng niu paniau makot lubo Kaniureng (Duck) khat pikhai jiu bamme.

e) Kabonram Baptist Church gu member, Lp. Wipatrailiu niudi Mission lengjeng niu Khoumairui (Turkey) pikhaijiu bamme. Sijeng niu thonjiu bamme.

f) Chiang Baptist Church gu member, Mn. P. Mairisibou niu Nguna reng (Banana farm) pikhai jiu bamma me. Sibou renggasu padbo nguna se pawan wan ga jonjiu Tingwang gu lupuk ga thinpiu jiu hiuna khonbo ngamhai kam jiu bamme.

g) Chiang Baptist Church gu member, Mn. Lungchampingbou niudi 2021 ga Maruireng (Cock) LBM Ministry leng pikhai, patu dihjiu thuongkiu bamme.

h) Chakha Baptist Church niu Kahumboky kasan kat-ngutbo ga LBM gu Ministry leng Rk. 5000/ pikhai ye.

i) Town Baptist Church, Tamei gu member, Mn. Parabou Newmai kykhun niu takum 2021 wijiou dou lubogu chunwibo offering di LBM gu ministry ga thinpiu khaira Rk. 10000/ pikhaiye.

j) Siliguri Mission Field ga kahumboky kasan thiusura aliu niu chakhuang thiubo Minister (Forest, Environment & Sericulture - GoM) kykhun niu rangkang thiujju Rk. 80,000.00 pikhai bibo jeng niu Tingwang tu dihjiu thuongkiu bamme. Pipat khai bibo kykhun leng aliu mathiu kakheng thiukhai jiu pijju Tingwang niu thoidam khaisan bambo thiu milo.



Gayshing, Sikkim Mission Field ga ES niu Baptism lukhai maidung

Jengtung 21-28. March 2021 ting ga Rev. M. Digombou, Mission Secretary khatdi Rev. Alungbou Newmai, Executive Secretary hai Mission fields Gayshing, Sikkim, Sonada, Darjeeling khatdi Siliguri ga tadjju evangelist dung tu adou khai ye. Mission field dung lam mengbo gu puiluan ga ministry tien khai kajibo hina sedi thiukhai lu ye. Gayshing, Sikkim field ga Executive Secretary niu chamai samriu (30) tu baptism ngam kam khai ye khatdi fields sumga bambo Evangelist dung tudi adou lujiu kakheng thiu khaibo ngam kamkhaiye.



Siliguri Mission Field ga Church thiusura ES niu kyphung hai Tingwang leng katkhai jiu kakheng thiukhaibo

Siron na mak jiu Siliguri mission field ga Church thiusu raleng kyphung di Tingwang khuga katkhaibo ngamdi Executive Secretary niu tienkhai ye. Executive Secretary gu official visit thiujju LBM gu mission field dung ga meng khai boga Mission field ga bambo Evangelist dung khatdi malum kasan maidung paliu chunwiji bamme khatdi Tingwang tu thuousan jiu bambo ngou ye.

## Women Department

1. Women Department LNBA-M ni marang khaibo Area Wise Women Bible Class hai karaibo thiujju Aling B/Ch. ga jengtung 13th -14th Kanahiu, 2021 lung ga tadkiu khai-e. Haibo class ga societies chakui (9) lamsu chamai ringngiu (50) pasan wangkhai –e khatdi phumling mai jou jiu class ga chamai 125 wangjiu padam lukhai-e.

Katipao thiukhai bibo khatdi Kawicham din khaibibo dung tu pahang ga lien khai ye:

- a) Mn. Kadalungbou Newmai, Youth Secy. LNBA-M  
*“Doctrine of Salvation”*
- b) Mn. Kendibou Newmai, Office Assistant, LNBA-M  
*“Conflict Management”*
- c) Rl. Ch. Mercy, Women Secy. LNBA-M.  
*“Christian Etiquette”*

2. Paniabo thiujju Area Wise Women Bible Class hai Niamning B/Ch. ga jengtung 20th-21st Kanahiu, 2021 ga tadkiu khai lu-e. Haibo class ga societies kariusum (13) gasu chamai riak charuk tachat (68) wang khai-e khatdi

phumling mai joujiu class ga 140 pasan wangjiu padam lukhai lu-e.

Katipao thiukhai bibo khatdi Kawicham din khaibibo dung tu pahang ga lien khai ye:

- a) Rev. Ch. Hujandibou, Fianance Secretary, LNBA-M  
*“Financial Stewardship”*
- b) Pastor M. Liangpibou, Bena Nguang B/Ch.  
*“Doctrine of Salvation”*
- c) Rl. Ch. Mercy, Women Secretary, LNBA-M.  
*“Christian Etiquette”*

Haibo Bible class nia tadkiu boga Aling B/Ch. khatdi Niamning B/Ch. niu chamrang ndeng khaijiu aliu tu chagiang mawi khaibo ronna makjiu mess fee lumak jiu chalung dijiu katiu kasak matha ganiu wangmai mathiu leng tiuwi sakwi bo khatdi paman kakungbo chami-chakha, chapiubuan phungpad jiu macha mawi khaibi bojeng niu Women Department, LNBA-M lam su Phumling nia tu dijiu thuan kiu bo madu khai-e. Phumling nia riga Tingwang niu thoidam keng jiu pikhai bo thiu milo.



Area wise Women Bible Class Niamning ga tadkiubo ga wangjou khaimai dung

3. Pasumbo thiujju Area wise Bible Class hai Oklong Baptist Church ga Jt. 17-18 April, 2021 ga wiji tadkiu khaide. Women Society 12 gasu delegates chamai khang 77 wangtang khaijiu Camp hai Oklong phumling mainiu akhi-macha mawi khai bide. Haibo camp ga katipao thiukhai bimai dung zan pahang ga rou khai ye.

- a) Rev. Ch. Hujandibou, Finance Secretary LNBA-M.  
*“Financial Stewardship”*
- b) Rl. Aningliu Njuta, Missionary to Japan  
*“Women in Christian Mission”*
- c) Rl. Ch. Mercy, Women Secretary. LNBA-M  
*“Etiquette; Better than Beauty”*



Area wise Women Bible Class Oklong ga wangjoiu khaimai dung

### ***Women Scholarship 2021***

LNBA-M Women Department niu Liangmaipui Theology kati kinmai ruang ga niu chariu bihmai khatdi kamipui-kamipiu nah thiujju bammai leng takum machang scholarship pipat jiu bambo ye. Women Annual Meeting 2020 ga makhiam khai mibo kumjiu Thaikum di Women Scholarship leng apply thiuwang mai ruang gasu chamai khang nia tu kada jiu khang nia leng rangkang sangkariu-sangkariu (Rs. 10,000/ each) pikhai mide. Haibo Scholarship hai takum machang ga chamai kasan-kasan leng pipat jiu bamsune. Thaikum gu Women Scholarship dou lumai khang nia jan pahang ga lien khai ye.

- a) R. Wichunliu,  
D/o R. Nmladbou, CCN
- b) Wibuiliu Daimai,  
D/o (L) Phianrijinang Daimai,  
Thalon B/Ch.

### ***Women One Rupee Project***

Women Society gu Membership pumsing ga chahiu machang ga Rk. 1 (One Rupee) kakha jiu takum ga Rk. 12 (12 Rupees) hai kakhajiu bambo ye. Haibo rangkang hai society hina gu khum wang madui lubo niu kamipui dung leng relief thiujju nkha khai bo ngam hai tadkiu jiu bambo ye.

Sikumjiu thaikum di Phumling kariu (Rianglong, Aling, Aring, Rienta I, Taniuluang, Bena Nguang, Machengluang, LNBAM, CCT, Piulong, Thalon) gasu kamipui khang kariu leng Moreh Blanket kariu pipat khai mide.

## Men Department

### Area wise Men Bible Class at Juna Baptist Church, LNBA-M

“ *Rapiu niu chakyse thiukhai bo khatdi akhe khaibo* ” (Ps. 127:1) katiubo Ladpui ganiu Area wise Men Bible Class hai mathiu niu kakheng thiukhaibo pien gasu jengtung 15-17 March 2021 lung ga program wijiutadkiu lubo kadunbo report pikhai-e.

Tacham dinkhaimai khatdi pagu tacham ladbam hai pahang ga lien khai ye.

- a) Rev. Ch. Manaithaibou,  
Men President, LNBA-M  
“*The Role of the Father*”
- b) Rev. Ch. Hujandibou,  
Finance Secretary, LNBA-M  
“*Accounting & Finance Management*”
- c) R. Tunchapbou,  
Mission Director, LCPMM-M  
“*How to be a Godly man in today’s World*”

Haibo class ga surrounding churches lamsu wangmai khatdi Local church mai aruangjiu class ga chamai 35 joukhai jiu program hai wijiutadkiu khailu-e.

Haibo program ga wang jiu katipao thiukhaimai khatdi Delegates thiujiu wangkhaimai mathiu tu thuanne, nkiujiu chalungdi jiu program ndeng khaibibo Juna Phumling tu dijiu thuanne, Phumling gu ministry ga Rapiu niu thoikhaimai sanbo thiumilo.



Juna ga Area wise Men Bible Class tadkiuboga wang joukhai mai dung

### Quarter Kitchen

Men Secretary Quarter gu Kitchen haidi thaikum lung ga thiuloi lura matanjiu bamme. Sijeng niu malumbo piudung khatdi papiumai baw dung hai chalungsa jiu nkha khai kajibo dam hina sera jihbo lung ga nkha khai khera pimaningtou khailan bo ye.

## Children Ministry

Thaikum Chabamhiu - Kajinghiu lung ga tien kiu khai mibo tienduan dung pasin thiujju madu khai ye:

1. Sunday Bible School Teacher's Training hai wiji Taniulong B/Ch. ga Jengtung 23-24 Chabamhiu, 2021 lung ga tadkiu khai-e. Churches 17 (kariu chania) wang khai-e. khatdi SBS Teachers 22 (makainia) wangjiu padam lukhai-e. Haibo training ga Katipao thiukhai bibo niusai Mn. Enoch Newmai, Principal, Liangnah School, Tamei khatdi Genevieve Newmai, Former Teacher Liangnah Primary School, Tamei panai niu kati mui jiu kati khai bi-e.

2. Online Bible Recitation Competition hai April 5th 2021 ga wiji tadkiu khai lu-e. Churches 16 gasu nahmai 20 (makai) padam lukhai ye. Aliet ruang ga ngam lubo nahmai dung niu sai pahang ga len khai ye.



### Thuonkiubo Cham:

Tingwang lungsiat pien niu LNBA-M, Children Ministry haidi wijiu bamme. Sikumjiu Church tam-tambo lam niu pating-pating ga chapot mania di donate kam khaibibo haidi mathiu ga madu khai nijiu bamme. Ndai Baptist Church niu 'Revolving Chair' pikhai bi ye, khatdi Liangmai Baptist Church, Imphal, niu 'Sofa Set' kawibo pikhai bi ye. Khrista zan gasu donate thiukhai bibo Churches khatdi paliu gu Ministry ga Tingwang ken kam madibo tien thusan bamra thoidam lutoubo thiukhiu milo.



Nkiujju Churches tam-tambo khatdi mali mai (Individuals) niudi rangkang thiujju nkha khaijiu Sofa Set khat macha lan lu-e. Aliu Children Ministry leng mahina niu manang khaijiu mathiu tu thonne. Nkha khaimai khatdi kakheng thiukhai mathiu tu Tingwang niu kim khaibo thiukhiu milo! Mathiu tu thon ne.



## General

Chabamhiu gasu Kajinghiu lung ga workers dung tu majang lujiu Phumling 31 visit thiu khai de. Sibou ruang ga Konphung Baptist Phumling (Baptist Churches Union of India -BCUI) gadi tad khai de. Sanjiu LNBA-M gu head office ganiu changam thiujui Executive Secretary niu majang jiu Chabamhiu-Kajinghiu lung ga tienkhai mibou dung hai paduan thiujui pahang ga lien khai ye.

### Chabamhiu 26, 2021

Liangmai Christian Passover Mission Movement (Manipur) gu takum-makhiam-aruang hai wijiutadkiu khailude. Haibou madui bonai lottery gu result sedi madukhai lude.

### Chabamhiu 27, 2021

Luan 48th ADA, hai jengtung 27-01-2021 bonai Phumling 55 ganiu chamai 97 wangkhaijiu Phumliung leng khatdi Association leng pageng-pathou hina makhiam mawi khai lude.

### Karehiu 1, 2021

Taningjam Baptist Phumling gu Pastor thiujui bambo Kaijuthiu Newmai tu Pastoral Confirmation pikhaibo ngam hai tienkhai mide.



### Karehiu 2, 2021

Namtiram Baptist Phumling gu member thiujui bambo Wisingdonang ID tu phumlingmai niu masenjiu khengbo khatdi papaopiu niudi kasuibo bam kami jeng niu patu hai Christian Minister thiura Ordianed thiukhaide.



### Karehiu 2, 2021

Ramgem Fellowship -NBC gu Pastor thiura Ch. Disubou tu somkhai mibou se patu Pastoral Confirmation pikhaibo tienduan se haibou tingmik ga thiukhai mide.





### **Karehiu 25, 2021**

ICLD Training centre ga “Farming Workshop” hai Liangpuithiului Pamai, niu katipao thiujui Khourui-khouring makuat rabo jai khatdi chagan-piniu ling rabo jai haise minn jiu kati khai biye. Workshop ga phumling 3 ganiu chamai khang 12 wangkhaijiu kagengbo kati lu ye.

### **Karehiu 7, 2021**

Gaililong Baptist Phumling gu Pastor thiujui bambo NS. Kendibou tu Wisingdonang ID niu malin jiu Pastor ngam thiura leng Installation kam khai de. Masong Pastor thiukhai bibo NS. Kendibou tu haibo tingmik ga kanui khaibo tien khatdi karukhaibo tien di thiukhai lude.



### **Karehiu 28, 2021**

Kawisilubou Abonmai hai pating theng jiu Malek Baptist Phumling gu Pastor ngam kamwangbo ga Phumlingmai niudi patu hai Ordination pikhai khera khengwangbo nai npamjiu papaopiu gu kasuibo masen bambo sai suiiju patu hai Ordained Minister khat pi thiukhaibo tien hai thiukhai mide.

### **Karehiu 21, 2021**

Liangmai Baptist Phumling, Imphal gu Pastor thiujui bambo, Mathiudinbou Abonmai tu Phumlingmai niu masenbo khatdi papaopiu niudi masenbo bambo kumjiu pahniu ministry thiusanjiu bamra patu hai Pastoral Licensure pikhaibo tien hai thiukhai de.



Alungbou Newmai (Executive Secretary LNBA-M) niu Kahumboky kasan hai leh ngut khaide khatdi Rev. Z. Mairilungbou (Retd. E/S, LNBA-M) niu kawicham dinkhaide.

### Kanahiu 3, 2021

Evangelist thiujju bambo Solomon Malangmai hai Darjeeling, West Bengal ga bambo Sonada Baptist Phumling gu Pastor thiujju bambo ye. Pahniu state tambo lam ministry kambam tadi Association khatniu Ordination pikhaibo ngam hai tienbo jeng niu pagu machunbo kumjiu patu hai Ordination pikhaira Chiudi, pahai Ariang Baptist Phumling gu member thiujju bambo jeng niukhatdi gu Pastor thiujju bambo tu ordained kam khai de.



Jt. 05-03-2021 bonai Former LNBA-M Worker, Rev. R. Charaibou niu Local Pastor tu majang lujiu Head Office ga wang tacham kawi dinkhaijiu kakheng thiu ncham khai ye.



### Kanahiu 4, 2021

Namdilong, Kanglatongbi ga bambo LNBA-M Sub-Centre Church gu kasanbo Maduiky hai Tingwang kendi leng “House Of Blessing” katiubo ladpui hang ganiu kat-ngut khai de. Rev. Ab. Maishoungamang (President, LNBA-M) niu Nniu-tu kat khaide, Rev.



### Kanahiu 7, 2021

Liangchi Baptist Phumling gu member thiujju bambo, Dr. Nkhinlakhbou Ringkangmai hai tu pagu Malumbo, Ministry khatdi pagu Theological contribution tu phui khaijiu pahai Ordained Minister thiu kabui mai ye katiubo Ordination & Licensing Committee niu suikhaibo bambo nai nchamjiu papaopiu khatdi pagu Phumlingmai niudi kasuibo bam kami jeng niu Ordination pikhaira Committee niu Nominate thiukhaibo ye. Sikumjiu Office ga approval pakhiangna wang miji patu hai Ordained thiu khaide.



### **Kanahiu 8, 2021**

Development Department niu Dikiuram ga lingsu khaibo Inbiu Longrian School hai pageng kabambo duansu khang bamra leng NGO “Sunbird Trust” gu staff dung tu malong lujiu School meng phui khai ye. Siga Tasiina dung khatdi katipao thiu kinbo dung tu npou khaijiu School wisan khang bamra npou khai ye. Tingwang niu nkha khaijiu haibo school hai muisan khang bamra mathiu kakheng thiu khai san jiu bamra kheng khai ye.



### **Kanahiu 10-11, 2021**

Church Ministry awareness Camp hai phumling 9 ganiou chamai 24 wangkhaijiu Phumling ga ministry kam rabo lam madiou jiu kati khai lude. Haibo Awareness Camp ga katipao thiukhai mai niusai, Dr. SP. Tunchapbou (President, ITS, Tml) niu “Contemporary Christian Ministry” lamga khatdi Rev. Z. Mairilungbou Niumai (Retd. ES, LNBA-M) niu Church Administration lamga dinkhai bi ye.



### **Kanahiu 14, 2021**

Luan 47th tangbo gu LNBA-M Foundation Day ga Phumling hina pulpit exchange kam lujiu manid mawi manid khai ye. LNBA-M Centre gadi Executive Secretary niu workers dung nou (wife) tu majang jiu Chiang Phumling ga Fellowship thiu ncham khai ye.



### **Kanahiu 18-19, 2021**

Liangmai Christian Literature Society (LCLS) Manipur khatdi Nagaland aruangbo gu takum makhiam (annual Meeting) hai LNBA-M Head Office ga wiji tadkiu khailude. Takum 2021-2023 lung ga LCLS gu pakhangpi dung leng pahang ga roukhaimai dung tu makhiam khaide.

#### **Chairman:**

*Rev. Kitanwi Chewang, ES, LBA*

#### **Secretary:**

*Rev. Alungbou Newmai, ES, LNBA-M*

#### **Treasurer (Manipur):**

*Finance Secretary, LNBA-M*

#### **Treasurer (Nagaland):**

*Finance Secretary, LBA*

#### **Literature Secretary:**

*Rev. K. Namjinpibou*

Khatdi LCLS gu Executive Members leng Nagaland lamniu chamai khang 9, Manipur lam niu Chamai khang 13 tiuju makhiam thiui khai de.



### **Kanahiu 31, 2021**

Chakha Baptist Phumling gu Maduiky kasanbo hai Tingwang kendi leng katngutbo tien Executive Secretary niu kam khaide. LNBA-M Workers dung khatdi wanjeng ga bambo Pastor dung wangjiu padam lumui lukhai bide.



### **Kajinghiu 11, 2021**

Kabonram Baptist Phumling gu Pastor thiujii bambo Kubuibou Pamai, tu Phumlingmai niu pageng bambo sai suiuiu Licensure kheng wang boga walam hina ga machangbo bam mijiui paleng hai Pastoral Licensure pikhai de.

## **Liangmai Christian Passover Mission Movement (Manipur)**

LCPMM-M niu Vehicle Project khatdi Passover Memorial House thiura Fund Raise thiujii Lottery mathenbo ga Phumling khatdi malimai mathiu niu co-operation pijiu Rk. 5,35,000/ doulu ye.

1st Prize : *Zeliangrong Baptist Church, LNBA-M (Senapati)*

2nd Prize : *Gaililong Women Society, LNBA-M*

3rd Prize : *Oklong Women Society, LNBA-M*

Consolation Prize hai chamai khang 100 tu pijiu njan khai mide.

LCPMM-M, Evangelist thiujii changam kamraleng Tudon II (kabangning) maipiu Mn. Nk. Ngoulubuibuou tu jengtung 12-03-2021 bonai Rev. Ch. Hujandibou, Finance Secretary, LNBA-M niu lukhaibo tien thiukhai de(Installation).

LCPMM-M Head Office ga changam sai suiuiu thinpiura leng Kari "Ecco Van" Rk. 2,45000 pijiu liukhaibo hai Rev. Alungbou Newmai, Executive Secretary niu Tingwang ga kat ngut khaijiu tuhoi LCPMM-M gu Kari hai thinpiu jiu bam mide.

LCPMM-M gu faith promise thiujii Takiam 5 aram Ndai Men Society niu pikhai ye. Khatdi Bamrekluang maipui Lp. Agunlungliu niu chaphai poi khatdi Lp.Maraitalakliu niudi chaphai-pa khat pikhai biye.

Wahina Tingwang kendi leng jeng niu changam marankhai bimai, pipat khai bimai khatdi kakheng thiui khai bimai mathiu tu thuongkiubo madu khai ye. Tingwang niu naliu riga thoidam pikhaibo thiulo!

# Thuonkiubo Cham

Taniuluang Baptist Church, LNBA-M



Tingwang tu dihjiu thuonkiu ye, palamra aram Taniuluang Phumling LNBA-M niu marang khaibo “Taniuluang Lun Aruang” khatdi “Revival Crusade cum Seminar” hai “Khrista ga khat thiubo - Tathoilui 133:1” gu ladpui hang ganiu jengting 23-26 Kanahiu, 2021 ga wiji tadkiu khai lude.

Haibo madui ga Assam, Arunachal Pradesh, Meghalaya, Khatdi Nagaland ganiu chamai 150 dou wang khaijiu kiluang ga bammai dung nai chamrang hai Tingwang niu nkha khaijiu tadkiu khai ye. Aliu Rapiu Tingwang lungsiat pen gasu aram Taniuluang ga khatdi sanghlam lungtad jiu bammai pariak chak aruang khaibo ga Mily Gaopiu (Pastor) hai chamai khang kariu-khat (11) niu tam-tambo Phumling ga Rapiu tien thiubamme. Liangmai Phumlingmai mathiu gu rathoi pen ganiu haikumbo ministry hai tien ngam jiu bambo ye katiubo dinkhai ni ye.

Haibo aruang hai wiji tadkiu lubo nai nchamjiu Liangmai Baptist Mission, LNBA-M leng Rk. 5000/ Liangmai Christian Passover Mission Movement (Manipur) leng Rk. 5000/ tiujiu keng makbo offering thiubam tadi Rapiu luzam ga thinpiu khaira pikhaibo ye. Tingwang kendibo thiubam milo!

Naliu niu kungbo Tingwang vangpiu,  
Rev. Ab. Masenwangbou  
Pastor, Taniuluang Baptist Church, LNBA-M

## OBITUARY

### Late Khengdoubou Matainamai

Majumthuilakbou Matainamai nahpiu Khengdoubou Matainamai hai Nallong Baptist Phumling gu Pastor thiujju bambo watheng mak kha ga, malummak zing jiu jengtung 30-03-2021 bonai paringting jengdiu mibo setu Phumlingmai khatdi LNBA-M Phumlingmai hina chunsajiu patu hui bamme. Pagu karingting bam khaga Rapiu tu macha khai mibo gu thoidam hai Tingwang niu kykhun mai ga khatdi Phumling ga pikhai siak sune tiujju Rapiu Thoidam tu ramgun bamkhe.



Pahniu soudiak khaibo pakhenpui khatdi nahmai khang charuk bamme. Kykhun gu puatrit aliu mathiu phung nchamjiu bambo kum, aliu rathoi gadi khengkhai jiu bamkhe.

### Late Rev. Z. Maithin

Mn. Z. Khangdi nahpiu Rev. Z. Maithin hai Nkou Nhang Phumling gu Pastor thiujju bambo ting ga jengtung 08-04-2021 bonai paringting hai loikhai mibo-e. Pahniu Phumling gu Jupao thiubo ronna makjiu LNBA-M leng di changam kawi tienkhai bi ye. Jengdiu mibo setu maning khaibo ga kadunbo ringting ga pahniu Rapiu tien thiukhai mibo setu aliu maning toujiu nchung bamme.



Panao khatdi panahmai khang sum tu soudiak khaijiu kadih ringting mathak mide. Aliu Phumlingmai dung gu rathoi ga Rapiu tien thiujju jengdiu mibo kykhunmai leng kheng khai jiu bamkhe.



Malek Phumlingmai niu LNBA-M Centre ga volunteer thiujiu tasing rian khai bibo.



Dev. Dept. gu Nbiu Luangrian School (Dikiuram) ga LNBA-M Staffs dung meng phui tad bambo



UBC, Tml. BYS niu Income Generation gu project thiujiu nahmai dung wangjiu athienbo ky taliu khai bamme. Pabam niu sai, **“Kids Palace, 1st Floor, Daimai Complex, Tml. Bazaar”**



Chakha Phumling gu chabuanmai dung khang 12 tu Executive Secretary niu Baptism kam khaibo.



Aling Women Bible Class ga tampeh dung di wangjiu tacham nking khai mai dung



*48th ADA Delegates*



*Areawise Women Bible Class Aling ga tadkiu khaibo*



*Areawise Youth Music Camp Maguilong ga tadkiu khaibo*



*Areawise Mission Consultation Taningjam ga tadkiu bambo*



*Area wise Men Bible Class Juna ga tadkiu lujiu pabam kawibo lam meng taki tad bambo*



*LCPMM-M gu Kari (Ecco Van) ES niu Tingwang ga Katkhaibo tien thiukhaibo*